

了磐山始祖及四世祖墓二穴圖序

了磐山始祖及四世祖二穴。自梧桐山起祖。正幹前去結束。竟城。北幹逆去。結惠州府。其南幹就近起小梧桐山。迤邐而前。至犁壁仔。火星重疊。展開大帳。自學枝柯。遮蔽海洋。將近大埗頭。奔騰委婉。顛跌而下。過圍頭。起剃刀峴。跌斷起觀音山。繼而突起大帽山。為少祖。左右分枝。迴抱背後。右一枝。從城門凹過去。起尖山肚。尖山肚一枝。從淺灣之狐狸峽過去。虎頭山。馬鞍山一帶。兩重護托。極其週密。而祖山力量於此可見矣。從大帽阿公凹跌斷。此峽極貴。由是幹龍行止皆轉。內地外海皆有山。以為藩閉。此後重重度峽。不及詳述。直至洪水卸下。

平洋。穿田渡峽。左右分枝。以為輔衛。正龍起伏。顛跌或開天池。或龍自出。侍從自銜。前遠迤而上。如生龍活蛇。聳起了磐山。成話軸開花。右角始祖漢徽公地。本主太陰金星窩中。突穴粒臺為案。觀音山特朝。呼玉女拜堂形。肉局右水側左。下闊緊閉。前逆大帽山之水。并辛山乙向。左角下結四世祖符協公地。呼仙人大座形。騰上穴并寅甲向。此幹盡結也。左砂逆水為倒地笏。獅象掛列為門戶。正對橫山脚。玉琴為案。少祖之水一字橫過穴前。太祖之水逆來會合。符協公得此二地。即能自卜。厥孫必將錫館於帝室云。

221176

齊民要術

程坑山
始祖漢
徽公了
磐山四
世祖符
協公兩
穴地圖

